

OMUKWETU

Registered at the General Post Office as a Newspaper



NOVOMBA 1971

No 22



Ovalaule ova hapupala muSuidwes

Oshikandjo shomivalu dovanhu mepangelo la S.A. osha shiivifa e valulo lomivalo dovanhu ngashi va li va valwa 1970 muSuidwes alishe kutya paife edu alishe oli na ovanhu 746,328. Momumvalu omu omu na ovatilyaane 90,658.

Meedula omulongo ovalaule ova hapupala ngaha, apa ohatu tula omuvalu mupe pondje yoikondekifo, nde oo tau monika moikondekifo ongashi wa valulilwe 1960. O wambo 342, 455 (239,363); Kavango 49,577 (27,871); Kleurlinge 28,275 (12,708); Eembaatili 16,474 (11,257) Ovanama 32,853 (34,806);

Ovayebele 21,909 (11,762); Ovadamara 64, 973 (44,353); Ovaherero 49,203 (35,354); Ovaherero vaKayoko 6,467 (9236); Ovakapriivi 25,009 (15,840); Ovatswana navamwe 3, 719 (9,992).

Oradio-Owambo yeti-6.9.1971 oya ti kutya, oshiwa ngenge ovalaule tava dala ounona ashike vavali ile vatatu, opuwo, osheshi ehapupalo lavo otali ka eta oshiponga. Epopyo eli ola eta omalimbililo muvahapu noumbada, osheshi ova amwa kwaasho tave shi lalakane notave shi tale omaano manene aKalunga.

Epangelo ngenge otali popi oshinima eshi nelalakano lokukwafa shili nokukonga ouwa woiwana yovalaule, nena oli na okuninga efatululo la yela pamatomhele a yukilila shi dulife okwiingida momhepo nomatumbulo avali oo taa yehameke ovalaule. Sho shi ha kale ngashi umwe a ti melimbililo laye, "Outa ti, ovalaule nava ninipikwe, ohatu mu tale ngomunaita naKalunga nomutondi woiwana yovalaule."

Pamwe nepulo eli lokuninipika oiwana yovalaule ohatu hangwa kelipulo laavo va hovela okulandifa po ounona wavo ile oku va ekelashi moixwa, momeva nosho tuu Ounona vahapu otava dalwa momhepo inai yuka pefimbo eli, nde nande ongaha oshinima sha kula apa, shi shi kudiladilwa komunhu keshe osho omwenyo waKalunga ou u na okutambulilwa mounyuni.

Tala kep. 7

ELONGELOKUMWE EWANAWA

Kutya epangelo oli na einkelo lya gwana natango okwiinekela ongerki, otashi monika kelongelokumwe ndyoka tali tsikile sigo onena sho lya heda ishewe kongerki yOwambokavango, opo li monenwe ko omusita gwokuwatha aagundjuka ye li mosikola

lye lyetonatelo lyoshitayingerki nge lya pu po, ota pewa evululuko, iheine shi mona nando. Momvulwe ye ota ka tameka oshilonga oshipe muJanuali 1972 mosikola ndjiyaka ongohe yaanona.

"Nomwaashi ondi shi shi Kalunga ina pa nge eshi shi dule eenghono dange," osho a nyamukula omutoolinku ndana sho a pulwa kombinga yuudhigu woshilonga.

Tate Ninda, ohe yaalumentu 8 naakiintu 2. Omusitagongalo Filippus Shikomba Ondobe, oye a hogololwa koshitayingerki shUukwanyama nosha kolekwa kEpangelongerki a kale omutonatelishitayingerki.



Rev. Ismael Ninda

onene mOwambo, Ongwediva.

Omusitagongalo Ismael Ninda, Engela, oye a ulikwa kEpangelongerki lya simana a ka longe pamwe nepangelo mosikola ndjiyaka tayi putudha oshigwana shangula. Epangelongerki inali ikwata okuyamukula epulo lyoshikandjo shuulongi sho sha hala omuyakuli a za kongerki a ka longe mosikola onene, opo omaudhigu, unene gopamwenyo nosho tuu gopalutu gayamukulwe mbala.

Omusamane I. Ninda oye naanaa ta vulu pakutseye kwEpangelongerki ngashi lya landula eyakulo lye lyethimbo ele mokati kaakriste yongerki yaElok Omumbisofi gwongerki Dr. L. Auala okwa ti kutya, ye (Ninda) oku na omukumo mushoka he shi tokola.

Omusitagongalo I. Ninda, okwa yapulilwa oshilonga she shuusita omumvo 1942, ye sho a adhika a longo ashike oomvula mbali ongomulongi mEngela. A valwa 1913, okwa longo oshilonga shuusita megongalo tuu ndyoka sigo a ningi omuyakuli gwoshitayingerki shUukwanyama pamwe nomutumwa Erkki Hynonen.

Momumvo 1962 okwa tsikwa oshimpwiyu ashihe shokulela omagongalo agehe 14 moshitayingerki shoka, uule womimvo 10.

"Kasha li alushe shipu okulonga oshilonga efimbo li fike opo, osheshi omunhu owa li u na okukundafana nokunyamukula ovanandunge lela," osho ye mwene a hokolola pafupi oshilonga she, nokuyeleanitha nelelo lyegongalo limwe alike.

Omutonateli omukulu Ninda okwa kala wo oshilyo shomokangundu ke-lundululo lyOmbimbeli yOshikwanyama Omusamane gwolutu lwa pama nawo okwa li a faneke kutya ngele ethimbo

Omufitaongalo Filippus Shikomba, Ondobe, okwa hoololwa kovafita voshitaingeki shaUukwanyama nosha pamekwa kEpangelongerki. Tate Shikomba otaka pashukila omaongalo 15 moshitai osho e na ovakwaneongalo 61, 750.

"Oshilonga eshi shinene nde shi pewa nande sha imba nge eemhofi omafiku mahapu, onde shi tambula nomukumo, osheshi paife ondi na omhito yokukumika omaongalo etu okushakenifa nawa oinakuwanifwa yavo moshitai shetu," osho a tonga tate Shikomba.

Okwa pita ofikola youfita 1962 nde a longo pamwe natatekulu omufitaongalo omukulunhu Vilho Kaulinge konyala oule weedula omulongo. Ota hafele unene elongelokumwe liwa olo la kala pokati kavonashilonga meongalo laNdobe. Oku na eedula 45.



Rev. Filippus Shikomba



Ila Omwa Jesus!

Mat.21:1-9.

Otekisti ndjika otayi ulike ondongu yokukalamwenyo kwaJesus kombanda yevi. Konima yoomvula ndatu epangelo lyaRoma olya adhika lya ningi eyalulo lyaonzi ndhoka dhi naa okudhipagelwa oshituthi shapaasa, moka ayenda ye vule oomiliona mbali ye na okugongalela mo. Jesus oku na edhiladhilo lyasha.

Opo a thike koshituthi shika, otatumu aalongwa ye ye mu etele okasino nontana yako komukunda gwokomeho. Yamwe oya dhiladhila kutya etumbulo ndika, "Omuwa e u pumbwa," otali holola euvathano lya kala po pokati ke namwene gwawo.

Moramata ontine yaMoses otaku popiwa oshigwana shalsrael shi ithetitthe nomutoko gwondema inayi longithwa nale ondjoko. 191:2 Ompungulilo yOmuwa Kalunga okwa lombwele oshigwana she yi shunithwe kehala lyayo metemba tali hilwa koonyali mbali ndhoka inaadhi longithwa shito ondjoko. 1Sam.6:7. Uuyapuki wolweendo nduka lwOmuwa ou li mpoka mokulongitha okasino hoka inaa ka longithwa shito ngashi omuyevangeli Markus ote shi popi. 11:2.

MuJerusalem Jesus ina taambwa ngashi omuntu gwowala, ihe ongomukwaniilwa lela ye mwene. Oshigwana opo sha adhika sha ligolele Jehu sho a langekwa muukwaniilwa... 2Aak.9:13. Opo ya adhika ishewe ya ligolele Simon Omumakabees sho kwa li a sindana, miita yaatondi yoshigwana shAayuuda. 1Mak. 13:51 (katu li na mOmbimbeli yetu.)

Ihe nando ope na omafaathano ga tyangeyi, eholoko lyoshiningwanima shoshene oli li muule nopauprofeti. Sak.9:9; Jes.2:11. "Hosiana," osho taa igidha. Otashi vulika pwa adhika pwe ya elunduluko momadhiladhilo go shitya shika, ihe oondunge dhotango odho ndhoka kutya: **Hupitha ngashingeyi.** Ps. 118:25. Ano oshitya osho onkugo yelilo tali zi muule womwenyo gwa pumbwa ekwatho lye endelega.

Eyo lyOmuwa kungame nena otali ti shike? Natu tale iinima itatu. a) Jesus oku shiko nkoka ta yi ko, kutya omoshilando tashikongo omwenyo gwe. Ando omuntu ndi tseye shika, ando tandi kongo naanaa ondjila yiwe. Osho twa kambadhala nale nokuli okuninga uuna twa dhimbulula okazimba kehulilo lyondjila yetu kutya otaka hingile peni. Naampoka inatu dhimbulula sha otwa yemata ashike. "Ndjila iha lombwele omuntu," osho twa hokolola. Jesus ne tu longe, wo okweenda nondjila kehe yopahalo lye.

b) Jesus okwa ningi omukwaniilwa gwo-shilando ashihe shoka tashi mu kongo shi mu dhipage, ihe oonkondo dhe ine dhi longitha pombambo. Pahalo lyaHe okwi iyetha a hepekwe kuyo. Jesus oye omwoopaleki gwelongelokalunga lyetu mpoka tali yonwa keine-nepeko.

c) Okuya po kwaJesus oku na sha noluhe po lwandje nomaipulo gandje, niimpwiyu yandje. Ote ya po nombili. "Ombili yandje otandi yi mu pe." Ote ya tuu shili pomuntu e mu pumbwa? "Hosiana, hupitha Omuwa nziya!"

Sebulon Ekandjo

INO KALA NONUUMVO GWAHUGUNINA OKUMBESTELA OSHIFO SHOYE PETAMEKOLELA OPO WAA PITILILWE PO KOSHINDJI

OVALONGI 54 VA KALA OSHIVIKE MENGELA

Oshitaingerki shaUkwanyama osha mwene omholo oyo yokukala oule woshivike mE-nongelo loyayakuliongalo mEngela, omo

omesho avo kwa li taa talifwa onunongo noupuna wa hondama momishangwa dOmbibeli ile dimwe di lili odo di na sha nekwafo lokolutu. Mwinya ova mona omhito yokuvandamena omukoka wehistoli eshi oshilonga shetumo sha hovela mEngela konima yomido 50 ngashi sha hepaululwa komuhongi meme Aili Mwatotele.

Meme Maria Shikomba umwe waavo vomilongo itano navane okwa shanga ngaha: "Mwinya (Engela) otwa kumikwa omukumo tuha ende ngashi ovana vomulaulu." Okwa weda ko ngaha; "Otwa teleka, otwa hondja, otwa hongwa yo ofikola yOshoondaha."


Ope na vahapu hava tange onhele ei yEngela kutya, ihali di okakombo kapofi. Pamwe venya ova diladila ombinga yowii ndelene meme Maria okwa tonga ombinga youwa eshi a tyaa:

Ponhele yoshoongalele shetu, ohandi pandula ovakulunhu ovo ve tu lihepekela oku tu monena omhito ei iwa, opo tu kale ngaha mofikola youtekuliumbo omo twa likola oupuna muhapu pamwenyo nopalutu."

Ouwa wokutondokela omutumba, ihau di pale

Ou wahala okulanda eshina lomoshihauto shoFORD, 100, shomondela 1956, endelega. Oindjina ei oi li nawa lela, ya kosha ashike R70. Oshihauto eshi olutu lasho kali li nga nawa unene, ndelene ngenge wa hala, ondado okeisho. Eshina oilinda 8.

Ila u litalele ko, pula tate **Adolf Elia, Ekolyanaambo, Ondonga** ile ngenge ou li mOushimba, popya **najustus Vatilifa, Posbus 447, Grootfontein.**



Ovalongi apa otava konakona omukalo wokuteleka pawiliko lambo. Eteleko otali pula onunongo muhapu lela.

Ondelekelama yandje inayi galuka!

Opwa holoka omangungutulo ogendji nokwaainekelathana pokati kaapashiyoni aagundjuka naatungamagumbo mUushimba omo lwoondelekelama hadhi umbwa nde itadhi galuka. Oshiponga shimwe otashi zi wo naampoka sho aagundjuka aakadhona, aalongi naapangi nge taa ya muka, ohaa thigi ya vundakanitha iinima.

Ngashingeyi ope na omuhapo tagu ti; Masiku Desemba e ya tse tu..... Moohofa omo muwanawa. Aalongi muka oye na mo aamwayinathana oyendji unene, yo konyala aalumentu ashike. Aniwa otaye ya okupopitha omuntu gwaandjawa, nenge otaa thindikile omuntu gwaandjawa, nde ngoye mwene gwegumbo iho gwana po we.

Oshinima shika tse oombwiti, oshe tu ninga oshikogo moomwenyo, okupopya omuntu ito vulu, oshoka mboka oyo aanandunge olyi inga. Aakadhona mOwambo ihaa nu nokambiila, ihe ngele e ya muka ota

mana oofaliyapi, noombrendi, ye omuntu oshilongo ashihe otu uhala e shi mana ko, ye a hala ngaa ondelekelama ye ya ya mukulwa, ye ngele e ya mpaka kee shiwiki mpoka hu uhala. Shika otashi tu ehameke aavali mUushimba.

Tseyeni kutya, natse oombwiti aakriste nohatu panga omagumbo getu ngashi twa adha hashi ningwa mOshiwambo.

Tangi unene
Malulu

Kongo lya lukululwa

Kongo oshilongo shoka shi li konyala pokati kaAfrika, sha tseyika shtio medhina Kongo Kin shasa, osha lukululwa sha ningi Zaire, nedhina lyomulonga gwasho omunenene ndyoka lya li hali ithanwa nedhina lyoshilongo, tali ithanwa ngashingeyi omulonga gwaZaire. Josef Mombutu oye omupresidende gworepublika ndjoka ya mono eipangelo 1961.



OUNONA VAHAPU VA FYA

Noneudo ounona vahapu ova fya omolwomikifi dimwe. Oudu umwe wa lya ounona vahapu oo omupanu. Otwa pula ovahakuli vamwe kutya omolwashike eflyo otali uya diva, okaana ngenge ka kwatwa komupanu. "Ounona ihava fi unene omolwomupanu wovene", va nyamakula," ndele ohava fi eshi omalutu avo otaa kukuta omolwomeva a kana mo molutu. Molutu lomunhu omu na alushe omeva mahapu e li meenhumba dolutu nomomifipa dohonde mumwe nohonde. Ovanandunge ova valula nokuli kutya eepersenda 70 yaashishe shi li molutu lomunhu osho omeva ashike.

Omeva oo e li mo ohatu a kanifa keshe efiku mokupusha nomokufitama n.sh.t. Ngenge otu li nawa, otu nomhito okuwedela po omeva ponhele yomeva oo a kana mo mokunwa nomokulya oikulya i na omeva.

Umwe ngenge oku na omupanu, ta kanifa unene omeva mahapu eshi ta i koixwa onyata ya yula, ta kungu efiku limwe ta pupyala nokuli. Paife eshi inatu konekeni nawa, kutya omeva e na okuwedelwa e fike pamwe nomeva oo a kana mo molutu ile edule nokuli, omunaudu ta hovele okukukuta diva, ta pupyala neenghono nota hovele okungabuka. Okaana taka kukuta nokuli diva ke dule omukulunhu. Omesho ako taa ningine mo nota ka kanifa omaliudo nefyo otali shikula ko. Inaka fya omolwomupanu, ndelenee ka fya omolwokukukuta kwolutu eshi inaka mona ekwafu liwa la wana.

Omunaudu na nwe ile a nwefwe omeva mahapu lela luhapu mefiku. Omeva naa kale a fulukifwa notaa polo tete. Na nwe yo otee mwa tulwa oshuuka kanini ngenge meumbo omu na otee. Ita pumbwa okunwa oshikundu ile okulya oshifima nande.

Ye ita pumbwa okunwefwa oimbodi ile oufila ile okuhupilwa nandenande. Ngenge ota, kungu ile ina hala okunwa ile omupanu tau endebele ile ngenge ota hovele okuloloka, na twalwe koshihakulilo diva. Omupanu tau holoka opo pehe na oukoshoki.

Omupanu otau dulu okukeelelwa ngaha

1. Ovanhu aveshe ve li meumbo ovakulunhu nounona ve na okukosha omake avo nomeva nofewa.
 - alushe ngenge va aluka kokandjuwo nokoluxwa,
 - alushe ngenge tava ka lya
 - Omuteleki oku na okukosha alushe omake aye ngenge ta longekida oikulya.
 - Omukulukadi oku na okukosha omake aye nomavele aye ngenge ta nyamifa okaana kaye. Noshoyo ta kosho omake manga ina pilula omashini okaana kaye.
2. Oililomwa otai tuvikilwa ponhele iwa ngenge ya koshwa.
 - Omatiti nomalilo neembiya nomakopi noiyaha neemhindo nai tuvikilwe moimbalayapwipwikilafana moimnima ei.
3. Oililomwa aishe otai koshwa nomeva mapyu efiku keshe konima yokulya.
4. Omakende okunyamifa otaa koshwa pefimbo olo eshi okaana ka mana okunyama. Ngenge omakende taa tuvikilwa a kaka, ope na oudjuu okukosha neembuto otadi kala mo momakende okaana otaka kwatwa komupanu diva.
5. Omashini okaana naa pilulwe a yeleka opo okaana ka dule oku a mana pefimbo opo. Okaana ngenge taka pewa omashini a ota otaka kwatwa koshinima shopedimo.
6. Meumbo namu longifwe ashike omeva a fulukifwa, a pola ngenge taa nuwa. Omeva a fuluka naa longifwe yo ngenge tamu haula oshikundu.
7. Ombelela nai amenwe keedi notai dingulwa nde tai kukuta nawa. Ombelela aishe i no kutelekwa ya pya nawa manga inai liwa.
8. Oiiyimati aishe tai pumbwa okukoshwa tete, ngenge tai liwa.
9. Oikulya aishe ya nyonauka ile ya ola, itai longifwa nande.
10. Meumbo keshe namu kale okandjuwo ke li kokule neumbo kanini, haka longifwa kovanhu aveshe ve li meumbo. Okandjuwo naka kale haka tuvikwa noipilangi ile noipokolo ile noiti naanaa.

DIDILIKA KUTYA OVAHAPU NGENGE OTAVA DIININE NAWA OUKOSHOKI MO MAUMBO AVO, OMIPANU NOMAUDU MAKWAWO OTAA NINIPALA NOVANHU OTAVA MONO OUNDJOLOWELE WA WANA.

OU TA KONDJO MWAAI ININI, OTA FI NDANA MUAISHE.



OSHEENDO SHOVA TEKU-LIUMBO

Ola li eti-15.9.71, eshi twa talela po Oniipa, Onandjokwe Olukonda-Handwerkskool nOshakati. Meembelewa adishe dOngerki, otwa mona nghee ovakwaita vOmwene tava longele Omwene wavo nehafo nonoudiinini.

Omudiinini weliko longerki tate Matias Nghipandulwa, e tu fatululila nawa oshilonga shaye nghee ha ningi eshikulafano. Moshinyanyangido otwa talifwa oinima ihapu ngashi omashina okuteleka eendada, okutonya eembapila, okuteta eembapila noku-twa eembululu.

Ngenge wa hala okutala evangeli nghee tali tandavelifwa, inda kOshinyanyangido. Ovasoomi va longa oilonga medu letu, opo tu mone ouyelele ava twa li momilaulu.

MOndanjokwe ovaveli yokomalutu otava hakulwa va shiive okuyukilila. Peenhele da tya ngaka twa enda po, omaimbilo okwa li hatu a polongodja, twa lekelwa kutate J. Mufeti.

Fimbo inatu ya kOshakati, otwa talela po tete Nakambale Kanene noludi laye alishe mwinya ve li metulumuko, pOlukonda. Omukulunhufikola wofikola yoilonga yomake, okwe tu twa omukumo nondjovo yaKalunga, nde ve tu palula yo komalutu. Omwene ne va punike.

Olweendo ola xulila mongerki yaShakati fiku tuu olo nde omEngela twe uya tu nangale. Ohatu dimbulukwa natango osho twe shi ulikilwa kutate Frans lihuwa shomEpa-ngelo lOwambo, nde unene tu osho etambu-lo olo twa tambulwa pombelewa yomuku-lunhutumwa pOniipa.

Hilde Ndemufayo



Nakusa Evelina Lukas

A si a gwanitha omimvo 136

Omukulukadhi Fripina Nakaleke, okwa hulitha oondjenda dhe eti-5.9.71. Okwa si e na omimvo 136 ha mono ko noha uvu ko nawa. Ogwomegongalo lyaMpundja.

Omukadhona Naambo Evelina Lukas okwa mana oondjenda dhe eti-13.10.71. Okwa adhika e na omimvo 21 adhike nokwa li he endeke osikola yokagumbo pOniimwandi.

Omalanduluko amwe aa a holoka mongerki yaElok, mokati kovafitaongalo oku li ngaha; Omufitaongalo Hendrik Dengeinge (45), Ohalushu, otaka yakula oilyo yongerki yetu kOlange ponhele yaRev. Simson Datipo ou te uya a yakule eongalo laHalushu. Tate Dengeinge, (edina laye keliwa alushe okutumbula) okwa yapulilwa ouhongu 1962 nokwa nangekwa meongalo mOhalushu. Oye yo okwa kala omufita wovanyasha mo shitaingerki shaUkwanyama noponhele yaye opwa nangekwa Rev. Elia Haipinge. Olupandu. →

← Omudo keshe ofikola yovatekuliumbo, ohai mono omhito yokutalela po Owambo keembinga neembinga, noshiwa unene osheshi Owambo oyo tava tekulilwa. Apa ove li mOshakati poshungo yetumo leenghundana dOradio-Owambo.

Elok ta simanekwa muAfrika

Moongerki dhilwe aagundjuka kaye na noongerki, nosha etele aasita yawo naatumwa omaipulo omanene, Omulongi gwosikola yuuteologi yaavalelwamo kOtjimbingwe, Rev. Abisai Shejavali, sho a talele po S.A. nokwa hokolola oshilongatumo shoka tashi longwa mongerki yaElok, shika osha kumitha aantu unene.

Uunene otaa kumwa mokupulakena kuya aagundjuka yaElok, oya kwatela komeho moshilonga shetumo. Tate Shejavali okwa hokolola shono tashi ningwa kaapangi, kaalongi, kaagundjuka, kaasita nookaakulukadhi yawo mongerki ndjika.

Tate Shejavali okwe ya hokololele wo elandulathano lyewiliko mokati kaagundjuka momagongalo nomongerki ayihe, niinima ya tya ngeyi momakutsi gawo oya ningi iikumithi. Otaa kuminwa unene keitulomo lyaanangeshefa.

"Omolvashike oongerki dhetu muS.A. itadhi longo sha tya ngaaka?" osho eipulo lyawo enene li li po.

Aagundjuka nee yaElok, aanangeshefa, aalongi, aakulukadhi yaElok, aanona niilyo ayihe yongerki; oshilongatumo sheni, omukumo gweni neitulomo lyeni mongerki otayi kumitha ayehe mboka taye shi uvu. Kalunga na hambelwe.

Ihe tala, andiyee, taku ti; "Ondi na uuhapu nangoye Elok. Owambokavango oyi li methimbo lyomalunduluko omanene. Miitopolwa mbika opwa dhimbululwa nkene aantu taa taamba nuupu omikalo omipe dhimwe kadhi opalele. "Oonamukuku noshipe." Tu koteleni ano okunwa, hangoshipango shongerki, ihe opantseyo yeshito lyolutu lwomuntu nopantseyomwenyo. Natu faleni etumo mokati ketu yene moshinima shika, tu likolele Kalunga esimano.

Obed T. Emvula
Mapumulo




Rev. H. Dengeinge

Ino lotoka vali, kanghama

Paife keshe umwe okwe liyukila nondjila yaye okudja omukulunhu fiyo okaana. Ave-she ova ninga ovapika voikolwifa novoluhaelo. Nde omweengeli woye ota lotoka nota kondjifa efiku keshe e ku kufe oitomo yomutondl oyo he ku londifa nayo.

Omwene kondjela ongerki yoye, eedi doye di amena kusatana. Di eta mo, di xupifa, ohatu ku indile u tu pe eenghono Jesus. Opo tu kondje, fye tu findane.

S.P. Maat



EUTHOMPANGO LYUUTHEMBA WOMUNTU

Etompelo limwe Iyomomatompelo ogendji ga gandjwa koshigongi shiigwana ya hangana, V.V.O. mokusota omautho ngoka taga popile uthemba womuntu kehe olya ti kutya.

"Omolwashoka osho shi li po ehalelo okugamena uthemba womuntu moonkondo dhEpangelo, opo omuntu kaa thiminikwe sigo a tukula oshipotha shi mu mangulule moonkondo dhEpangelo ewinayi nedhigu, oshigongi shaayehe shaV.V.O., otashi tseyitha omauthompango guuthemba womuntu ga kale ongethikilo nkoka iigwana niilongo ayihe yi na okulalakanena, opo omuntu kehe niilyo ayihe mEhangano ndika Iyonkalomwenyo yi kalele po euthompango ndika nokukambadhala pakunongeka nokutekula, esimano nemanguluko li koke, nosho wo omautho ngoka gopashilongo nomomangelogo agehe ga kolekwe."

Mombilive ya nyolwa kOmapangelongerki goongerki ookwaevangeli paLuther muSuidwes ndjoka ya tuminwa omusimanekwa Johannes Vorster, oministeli yotango yaS.A., omwa li mwa tumbulwa iitokolitho yimwe yomomauthompango guuthemba womuntu mbyoka aaleshi inaa tseyi shono tayi ti, ngashi ya li ya kwatakanithwa nomadhiladhilo gomombilive kutya oya longithwa nayi.

Oku yi tumbula mpaka otwa hala aaleshi yombilive ndjoka ya yeleanithe natango shono sha tumbulwa mombilive naashono shi li momauthompango ngele otashi tsu kumwe, ngashi sha holokele miitsa itano.

OMAUTHOMPANGO

1. Oshitokolitho oshititatu shomomautho ngoka osha ti: "Omuntu kehe oku na uthemba wokukalamwenyo wemanguluko nowegameno Iyuuntu we."

2. Oshiti-13: "Omuntu kehe oku na uthemba wemanguluko Iyokwiinyenga, okulya nolyokutungila mpoka a hala meni Iyoongamba dhoshilongo kehe."

3. Oshiti-18,19: "Omuntu kehe oku na uthemba wemanguluko Iyomadhiladhilo Iyomaiuvo nolyelongelokalunga. Uthemba mbuka owa kwatela mo emanguluko opo ngele owa hala okulundulula elongelokalunga nenge eitaalo Iyoye, u shi ninge nemanguluko, osho wo ngele owa hala okweetha elongelokalunga nenge eitaalo Iyoye, ngele ongoye awike nenge nayalwe, li ye puuyelee nenge meimweneneno, ngele melongo nenge megalikano, shi ningwe nemanguluko."

Oshiti-19: "Omuntu kehe oku na uthemba wemanguluko Iyomadhiladhilo nolyiilonga, uthemba mbuka owa kwatela mo emanguluko Iyokutala nokuyeleeke iinima nopwaa na ngoka ti idhopo mo nokukonga uuyeleele nenge oku u taamba noku u hokolola mompito kehe e wete yi li nawa nopwaa na okutala oongamba."

4. Oshiti-20: "Omuntu kehe oku na uthemba wemanguluko wiigongi yombili nowomahangano. Kape na ngoka ta thiminikilwa okukala mehanganu Iyontumba."


Oshiti-20 (a) "Omuntu kehe oku na uthemba a kale e na sha shokutya melelo Iyeve Iye, ngele ye mwene nenge pahogololo Iyaakaleli po.

Omuntu kehe oku na uthemba waa na ondjolola wokuya miilonga yepangele Iyeve Iye.

Ehala Iyoshigwana olyo nali kale ekota Iyoonkondo dhepangelo, osho tashi ka kala pahogololo Iyaayehe ndyoka tali ningwa Iyomeholamo nenge pahogololo li-
lwa.

5. Oshiti-23,25 (a) Omuntu kehe oku na uthemba wemanguluko Iyiilonga oku hokolola mwene paithano Iye, emanguluko Iyopauyuuki nolyiilonga negameno kokukala waa na iilonga.

b) Omuntu kehe nokwaa na ontondo, oku na uthemba wokufutwa ondjambi njoka tayi futulwa iilonga oyo tuu mbyoka. Tala kep. 7



ORAATA YOWAMBO YA DIMBUKA

Oshoongalele shOraata yEpangelo IOWambo osho sha kala omutumba woi-vike ivali mOshakati, osha dimbuka paife. Nande oupyu wa li uhapu omafiku oo oshoongalele, oshilyo oshikulunhu ohamba Ushona Shiimi okwa ti kutya, oilyo aise yoshoongalele oya kala ye litula mo meenghundafana doinima ikukutu noiye. Okwa tumbula yo oilyo imwe komadina oyo a ti kutya oya kala nokuvandamena oukololo aveshe voikundafanwa okukonga ouyelele nosha kwafa unene.

Oraata ei oya li onhivali neudo okwoongala eshi yotete ya dimbukile pehovelu lomudo. Oikundafanwa ya fimana ngashi oyomukalo wokuyandja oilonga mekwatafano nodalate, onghee di yokulikongela eembapila deengeshefa doludi keshe nosho tuu onghedi oyo tai dulu okukwafa ovalongi moilonga yavo oya kundafanwa nexwamo linene. Elongelokumwe lovatekuli veefikola ngashi la kala po shito la popilwa unene.

Oraata oya tokola yo eembelewa, dEpangelo IOWambo di ka kale moshilando shipe mOngwediva omo mwa tengenekwa kutya otamu ka kala ovanhu 70,000. Ongwediva oya hoololwa osheshi Ondangwa oyo ya kala po nale inai popilwa kovanongononi, vomatungo, omolwonhele ihapu ya tukwa po komeva pefimbo lodula.

Okwa popilwa yo ofikola younamapya oyo tai hovele odula tai uya mOgongo i tambulilwe yo novadjailongo vomomaduumbo amwe e lili. Ofikola ei oyo tai ka kala inene muSuidwes alise, osho ohamba Sh.Taapopi ya tonga.

Omutumba wOraata ei, owa wili-kwa komufitaongalo Kornelius Ndjoba oshilyo shOraata onhotiveta, ponhele yomunashipundi omufimanekwa Gabriel Kautwima nomuponhele wa-

Tala kep. 7

Aawilikerki niilyo yongerki ookwaevalli paLuther muSuidwes mboka ya kundathanene nomuministeli Johannes Vorster. Kolumoho sigo okululyo; Rev. G. Reeh, amushanga gwomwamemengerki mUushimba, Rev. Jason Amakutuwa omotonatelistayingerki shUuninginino (Elok), omumbisofi

Dr. L. Auala (Elok), omuwilikerki P. Gowaseb (ELK), Rev. Vilho Kaulinge (Elok), konima Rev. Albertus Maasdorp (ELK), na-Rev. Elifas Eiseb (ELK), Rev. Petrus Shipena amushanga gwomumbisofi Auala, ke po mefano.

ye omufimanekwa Wilbard Shitaatala ovo va kala tava vele.

Ope na paife eteelelo linene pamadiladilo omunashipundi omufimanekwa Ndjoba, kutya eshi sha kundafanwa shi ka monike nee koshiwana nande, ye mwene ina tumbula efimbo. Ndee oshilyo oshikulunhu Ohamba Shiimi,, oya udaneka yo kutya vo mongudu ya-vo yokupitifa eeveta oinima oyo ya undulilwa kuvo, otave ke i kundafana, nomwenyo muwa, nde Ongudu onho tiveta otai ke shi mona osho sha dja mo.

Otelefona ya diminwa

Otapa ningwa otelefona (ongodi yokupopya) eemaila 32 lwaapo okudja kOndangwa wa yuka kOshikango. Okwa tengenekwa kutya otelefona ei otai ka nangekwa mohani ei Desemba, nongenge itashi ka ningwa shapo ongenge ashike etungo leumbongulu tali ka hangika inali pwa.

Pongalama kombinga nombinga otapa ka kala pe na eshangelo la shangwa ngaha:

WELCOME TO: M. NDAKALAKO
lileni nawa ku: **G.P.O. Oshali-Phone,**
Post Office, Oshikango.

Otelefona ei itai ka kalela po ashike ovaneumbo ile ovashiikile, aye, ndelene otai ka kalela po okuyakula oshiwana ashishe. Ediladilo la kala po oleli, nandi ninge shike ndi yakule oshiwana shange?



Ovalaule va hapupala!

da dja kep. 2

Omuntu ita xupifa sha nande nokukelela kwaye omwenyo mupe uha holoke meshito, shapo okunyona ashike nokulinyonauna po ye mwene, eshi ta kala olonga yaKalunga moshipala. Ombibeli ongeyufu liwa komuntu keshi, inai nyematela nande fikulimwe ouhapu wovanhu, shapu sha talika ashike ongenangeko noupu na Ps. 127:3, Jes.8:18; Jer.3:15-16.

Oshiponga shinene oshi li opo ngashi omupashukili shitayingerki shuuninginino Rev J.Amakutuwa a ti kutya, 'mboka ya valwa, oyo inaa hala okuvala yakwawo.' Nashi ye kutya, oludalo kashi fi oshinima tashi xulile ashike momebelela, ndelene otali ka holoke la moipafi yaKalunga mefiku lauxuuninwa. Ovadali aveshe onawa va koneke kutya, otava longo pamwe naKalunga okwiimifila ouhamba waKalunga oiimati yoludalo, onghe etilokalunga tali teelelwa mokudala nde nomoku li tekulayo.

Uthemba womuntu

dha za kep. 6

c) Omuntu kehe ngoka ta longo, oku na uthemba opo a futwe pauyuuki o-ndjambi ndjoka tayi mu kwatha oye mwene negumbo lye, nongele ongawo, o-mauthemba ngoka e ga udhithe nasha shilwe.

d) Omuntu kehe oku na uthemba a tote ye a dhike oongundu dhaaniilonga nokwiitula moongundu dha tya ngaaka (i inyolithe) opo a gamene okukala kwe.

Oshiti-25-(9) Omuntu kehe oku na uthemba komuthika ngoka tagu adhika kuu-ndjolowele nuulinawa we mwene nowaanegumbo lye. Shika oshe edhilila mo wo iikulya, omizalo, ekwatho lyomiti, niilonga yilwe yopashigwana; oku na uthemba okugamenwa mokwaa na iilonga, muuvu, muulema, muuselekadhi, muukulupe nenge moluhepo lulwe moka itaa vulu okwiikwatha mwene.

b) Aakulukadhi naanona oye na uthemba mokusilwa oshimpwiyu nokuyambi-dhidhwa. Aanona ayehe nenge yomoondjokana nenge yopondje yondjokana, oye na okumona ezimino tuu ndyoka.

VA HANDUKILWA MOLWEDIPAO

Oshilyo shomOngudu oyandjiveta mepangelo laKavango, Alfons Mayavero Shoko (38) namumwaina Max Shoko, (27) ova monika etimba ledipao nde va futifwa R500.00 aveshi kumwe, ile eehani 18 modolongo.

Oihokolola oyo ya kala konyala oivike ivali mohofa mOvendera molwefyo lomushamane Mashiye Maveta (60) a dipaelwa moKavango, oya pwiilikinwa komupanguli Hoexter nde ovanamatimba va kalelwa po kuhahende M. J. Kritzinger. Oshinima osha holoka neudo moKavango 8 Januari eshi Mashiye a fya konima yomadengo mahapu nde taka fudikwa moixwa.

Ohofa oya ulikilwa omakende madjuu okOputu a nuwa fiku lomadengo anakufya nde ohofa oya itavela kutya elalakano layo kala li okudipaa naasho ve shi ninga ove shi shi naanaa.

Oshilyo shOraata Alfons Shoko osha handukilwa neeranda 400.00 ile eehani 12 modolongo, fimbo mumwaina a pewe R100 ile eehani hamano modolongo Omufimanekwa Alfons oye ohamba yOvambukushu noministeli yeemhangu mEpangelo lavo. Oha tambula R240 kohani, a hombola noku na ounona vane.



Otandi ya wilike ngele haa ende nokugalikana

"Minä johdathan heitä, kun he kulkevat rukoillen."



"Oshoka osho tuu nOmbepo ote tu kwatha muunkundi wetu, oshoka katu shi wo shoka tu na oku shi indila ongashika tu na okwiindila. Ihe Ombepo oye mwene ote tu galikanene nomikemo kaadhi shi okutumbulwa." Rom.8:26.

Dr. Theo kuMapumulo



Dr. Theo Sundermeier

Omuhongi womofikola youteologi yeengerki eenghwaLuther dovadalelwamo vaSuidwes, Dr. Theo Sundermeier neumbo laye otaka hongwa mofikola inya youteologi kuMapumulo, Natal.

Omushanane Sundermeier omuhongi munene wehistoli longerki unene laSuid-naSuidwes-Afrika. Okwa holokele mofikola youteologi mOtjimbingwe 1964 nopomafimbo amwe okwa kala yo omukulunhufikola.

Meme Renate Sundermeier onghulungu ya mana moivoti yomaimbilo nomokaxumba.

Oye tete a pitifa meme Magdalena, Namalenga meenghinda dokaxumba fimbo ina ya koSoomi.

"Otwa li twa hokwa unene Suidwes noshilonga shetu apa, ndelene omolwoukolele ihatu u mono nawa meumbo letu, ohatu ka twikila oshilonga shetu kwinya," osho Dr. Sundermeier a hokolola edjepo lavo paxupi. Omuhongi Sundermeier ota hafa unene eshi ofikola inya yaMapumulo, ohai tambula ovahongwa vahapu tava di yo kuSuidwes. Ove na onunona vatatu aveke.

litokolitho yimwe yuuthemba womuntu

1.

Aantu ayehe oya valwa ya manguluka pandilo nopauthemba womuntu, ye na omadhiladhilo nomauvito, onke oye na okusimanekathana mOmbepo yuukumwe noyuumwayinathana.

2.

Omuntu kehe oku na uthemba pampito kehe ndjoka ya tumbulwa mefatululo ndi, nopwaa na ondjoolola yokudhiladhila oludhi, olwala, elaka, elongelokalunga, uupolitika, nenge sha shilwe shoka omuntu a dhimbulula pashilongo, paliko, nenge pavalo.

Inapu ningwa ondjoolola pakutala ando uupolitika nenge omuthika gwevi, nenge oshitopolwa moka omuntu a za, ngele pamwe olya manguluka nenge ohali tonatelwa kevi ekwawo, nenge pamwe evi ndyoka ohali ilele nenge li li mongamba dhepangelo lyevi ekwawo.

3.

Omuntu kehe oku na uuthemba wokukalamwenyo, wemanguluko nowegameno lyuuntu we.

4.

Kape na nando gumwe e na okuningwa omupika nenge okuhepekwa niilonga. Uupika nelanditho lyawo, nuukwatya auhe wa tya ngeyi, owa indikwa.

5.

Inapu tulwa nando gumwe momahepeko nenge momagwagwaleko nenge muuteku waa shi wopantu.

6.

Omuntu kehe oku na uuthemba shaa mpoka momemo goveta, ye a talwe ngomuntu.

ONDJUULUKWE ONENE

Aakwakristus pethimbo ndika oye li po ya yuulukwa eyo lyOmuwagwawo, noye li tegelela shili. Alu-

he sho taa penduka nenge taa ka lala otaa galikana Kalunga ya tendelwe keluwa lyehupitho.

Aakanaakonasha neyo ndika lyOmukulili, kaye shi otundi nethimbo uuna Omuwa te ya. Tu kotokeni ano tse tu kale tu na uudhiginini, opo tu adhike twa tonata.

M. Amoomo

Aantu 260 ya thikama pombila yaDaniel

Omulongwa Daniel Aukongo okwa mana oondjenda ombaadhilila moshipangelo shaShakati eti-4.9.1971. Okamatyona komimvo 19, Daniel, megongalo lyaNakayale, okwa li mosikola yokombanda mOngwediva moka a dhikila komukithi ombaadhilila.

Egongalo alihe olya gongalele pombila ye, manga omudhimba gwaDaniel tagu kulukithilwa kaalongwa ooyakwawo moshilambo. "Oshilongo shaMbalantu osha li she mu pumbwa, ihe nani Kalunga okwe mu hala e vule ayehe," osho omusitagongalo Titus Heita okwa popi moluhodhi olunene.

Nakusa Daniel oye omutine mokusa megongalo ndyoka lyaNakayale manga e li mokati keilongo lye, muule womimvo omulongo dha piti.

OMUWA, TU LONGA OKUYALULA OMASIKU GETU TSE TU KALE AANANDUNGE!



Endhindiliko lyeso lyaakongindjila muuyuni auhe.

Omukongindjila a xulifa oweenda waye

Omukongindjila Lovis Nghoshi a xulifa oweenda waye eti-12: 9. 1971. Lovis okwa yandjele eudaneko laye loukongindjila eti-14. 9. 1969 meongalo lavo laKongo. Okwa kala omukongindjila omudiinini moyoongalele yetu, nde a diinina yo oshoongalele shoukadonaongalo.

Omukongindjila Lovis okwa li natango mofikola younona muSt. IV, nde eti-11.9, okwa hangika koudu nokwa twalwa moshihakulilo omo a ninga mo ashike eevili 30 nokwa xulifa osho. Ovakongindjila aveshe vopopepi ova twala epandela lavo kombila yaLovis nomufitaongalo Paulus Andreas okwa ninga eyapulo.

Fye etanga letu loukongindjila otu na oluhodi linene eshi hatu dimbulukwa omukwetu ou, ndelene ohatu hafe yo eshi twe lineekela kutya otwa mona omuxupifwa wotete metanga letu oo a hepaulula eitalvelo laye pombete youyehame, nande a dalelwa moupaani. (eedula daye inadi shiivika).

OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse Ovambokavangokerk
Oha zi mOniipa,
Omukuluntu gwoshifo/Hoofredakteur Omumbisofi Dr. Leonard Auala,
Amushanga/redakteur Sebulon Ekanjjo
Ondando komumvo mOwambo 70c, kUushimba noKavango 90c
Kombanda yomafuta R1.30.
Ondando nomambestelo naga tumwe kOmukwetu,
Oniipa, P/B. 2015, Ondangwa S. W. A.
Oshinyolwa shuule
wondeimi 1 otashi futwa R1.00
oondeimi 2 -"- -"- R1.19
oondeimi 3 -"- -"- R2.70
oondeimi 4 -"- -"- R3.40
oondeimi 5 -"- -"- R5.00
Oto vulu okutuma efano lyaashoka wa hala shi tseyithwe nomatumbulo wo gasha ngele ope na.

The Finnish Mission Press Oniipa
P/B 2015, Ondangwa, S. W. A.